

傅科金



產後編 共四十三症

陽曲傅青主徵君手著

產後編論

凡病起於血氣之衰。脾胃之虛。而產後尤甚。是以丹溪先生論產後。必大補氣血為先。雖有他症。以末治之。斯言盡治產之大者。若能擴充立方。則治產可無過矣。夫產後憂驚勞倦。氣血暴虛。諸症乘虛易入。如有氣母專耗散。有食母專消導。熱不可用苓連。寒不可用桂附。寒則血塊停滯。熱則新血崩流。至若中虛外感。見三陽表症之多。似可汗

也。在產後而用麻黃。則重竭其陽。見三陰裏症之多。似可下也。在產後而用承氣。則重亡陰血。耳聾脇痛。乃腎虛惡露之停。休用柴胡。謔語出汗。乃元弱似邪之症。非同胃實。厥由陽氣之衰。無分寒熱。非大補不能回陽而起弱。瘕因陰血之虧。不論剛柔。非滋榮不能舒筋而活絡。乍寒乍熱。發作無期。症似瘧也。若以瘧治。遷延難愈。言論無倫。神不守舍。病似邪也。若以邪治。危亡可待。去血過多。而大便燥結。肉蓯蓉加於生化。非潤腸承氣之能通。去汗過多。而小便短澁。六君子倍加參芪。必生津助液之可利。加參生化。

湯頻服。救產後之危。長生活命丹。屢用。甦絕穀之人。癰疽
脫肛。多是氣虛下陷。補中益氣之方。口噤拳攣。乃因血燥
類風。加參生化之劑。產戶入風而痛甚。服宜羌活養榮湯。
玉門傷涼而不閉。洗宜蠟兒黃硫散。怔忡驚悸。生化湯加
以定志。似邪恍惚。安神九助以歸脾。因氣而悶。滿虛煩。生
化湯加木香為佐。因食而噯酸惡食。六君子加神麴麥芽
為良。蘇木莪朮。大能破血。青皮枳殼。最消滿脹。一應耗氣
破血之劑。汗吐宣下之法。止可施諸壯實。豈宜用於胎產。
大抵新產後。先問惡露如何。塊痛未除。不可遽加參朮。腹

中痛止。補中益氣無疑。至若亡陽脫汗。氣虛喘促。頻服加參生化湯。是從權也。又如亡陰火熱。血崩厥暈。速煎生化原方。是救急也。王太僕云。治下補下。治以急緩。緩則道路達而力微。急則氣味厚而力重。故治產當遵丹溪而固本。服法宜效太僕以頻加。凡付生死之重寄。須著意於極危。欲求俯仰之無虧。用存心於愛物。此雖未盡產症之詳。然所聞一症。皆援近鄉治驗為據。亦未必無小補云。

正產

正產者。有腹或痛或止。腰脇酸痛。或勢急而胞未破。名弄

胎服八珍湯加香附自安。有胞破數日而痛尚緩亦服上藥俟之。

傷產

傷產者胎未足月有所傷動或腹痛臍痛或服催生藥太早或產母努力太過逼兒錯路不能正產故臨月必舉動從容不可多睡飽食飲酒但覺腹中動轉即正身仰卧待兒轉順與其臨時費力不如先時慎重。

調產

調產者產母臨月擇穩婆辦器用備參藥產時不可多人

喧鬧。二人扶身。或憑物站。心煩。用滾水調白蜜一匙。獨活湯更妙。或飢服麋粥少許。勿令飢渴。有生息未順者。只說有雙胎。或胎衣不下。勿令產母驚恐。

催生

催生者。因坐草太早。困倦難產。用八珍湯稍佐以香附乳香。以助血氣。胞衣早破。漿血已乾。亦用八珍湯。

凍產

凍產者。天寒血氣凝滯。不能速生。故衣裳宜厚。產室宜煖。背心下體尤要。

熱產

熱產者。暑月宜溫涼得宜。若產室人衆。熱氣蒸逼。致頭痛。面赤昏暈等症。宜飲清水少許以解之。然風雨陰涼亦當避之。

橫產

橫產者。兒居母腹。頭上足下。產時則頭向下。產母若用力逼之。胎轉至半而橫。當令產母安然仰卧。令其自順。穩婆以中指挾其肩。勿使臍帶羈絆。用催生藥努力即生。

當歸

紫蘇

各三錢

長流水煎服即下

產後錄
一、用好京墨磨服之即下。

一、方用敗筆頭一個火鍛以藕節自然汁調服之即下。
一、方用益母草六兩濃煎加童便一大杯調服即下。

盤腸產

盤腸產者產則子腸先出然後生子其腸或未即收以草
麻子四十九粒研碎塗頭上腸收急急洗去遲則有害又
方止用四十粒去皮研為膏塗頂中收即拭之如腸燥以
磨刀水潤之再用磁石煎湯服之須陰陽家用過有驗者

難產

難產者。交骨不開。不能生產也。服加味芎歸湯。良久即下。

小川芎

一兩當歸一兩

敗龜版

一個婦人髮灰一握

須用生過男女者。為末水一鐘煎七分服。

死產

死產者。子死腹中也。驗母舌青黑。其胎已死。先用平胃散。一服酒水各一鐘。煎八分。投朴硝煎服。即下。用童便亦好。後用補劑調理。

下胞

胞衣不下。用滾酒送下。失笑散一劑。或益母丸。或生化湯。

送鹿角灰一錢。或以產母髮入口作吐。胞衣即出。有氣虛不能送出者。腹必脹痛。單用生化湯。

金當歸一兩 川芎三錢 白朮一錢 香附一錢 加人參三

錢更妙。用水煎服。

一方用萆麻子二兩。雄黃二錢。研膏塗足下湧泉穴。衣下急速洗去。

平胃散

南蒼朮

米泔水漫炒

厚朴

薑炒

陳皮

炙草

各二錢

共為粗末。或水煎。或酒煎。煎成時。加朴硝二錢。再煎一

二沸溫服。

失笑散

五靈脂 蒲黃 俱研為細末每三錢熱酒下

斷臍

斷臍必以綿裹咬斷為妙。如遇天寒或因難產母子勞倦。宜以大麻油紙燃徐徐燒斷以助元氣。雖兒已死令暖氣入臍。多得生。切勿以刀斷之。

滑胎散

區月常服數劑以便易生

當歸

三五錢

川芎

五七錢

杜仲

二錢

熟地

三錢

枳壳

七分

山藥二錢 水二鐘煎八分。食前溫服。如氣體虛弱人。如

人參白朮。隨宜服之。如便實多滯者。加牛膝二錢。

治產秘驗良方

治橫生逆產。至數日不下。一服即下有未足月。忽然胎

動。一服即安。或臨月先服一服。保護無虞。更能治胎死

腹中。及小產傷胎無乳者。一服即如厚體。

全當歸 川芎 各一錢五分 川貝母 一錢 去心 荊芥穗

黃芪 各八分 厚朴 薑炒 斷艾 紅花 各七分 兔絲子 錢二分

白芪 一錢二分 枳殼 六分 羌活 六分 甘草 五分 冬月不用 麩炒

上十三味。只用十二味。不可加減。安胎去紅花。催生去
蘄艾。用井水鍾半。薑二片為引。熱服。渣用水一鍾。煎半
鍾。熱服。如不好。再用水一鍾。煎半鍾。服之即效。不用二
劑。

催生兔腦丸。治橫生逆產神效。

臘月兔腦髓一個。

母丁香一個。

乳香

一錢
另研麝香

一分。

兔腦為丸。艾實大。陰乾。蜜封。用時以溫酒送下一丸。

奪命丹

臨產未產時。目反口噤。面黑唇青。口中吐沫。命在頃臾。

若臉面微紅子死母活急用蛇退 蚕故子燒反不存性

髮灰 一錢 乳香 五分 共為細末酒下

加味芎歸湯 治子宮不收產門不開

人參 二錢 黃芪 一錢 川芎 一錢 當歸 二錢 升麻 八分

炙草 四分 五味子 十五粒 再不收加半夏 八分 白芍 八分

酒炒

新產治法

生化湯先連進二服。若胎前素弱婦人見危症熱症墮胎。不可拘貼數服至病退乃止。若產時勞甚血崩形脫。

即加人參三四錢在內。頻服無虞。若氣促亦加人參。加參於生化湯者。血塊無滯。不可以參為補而弗用也。有治產不用當歸者。見偏之甚。此方處置萬全。必無一失。世以四物湯治產。地黃性寒滯血。芍藥微酸無補。伐傷生氣。誤甚。

產後用藥十誤

一因氣不舒。而誤用耗氣順氣等藥。反增飽悶。陳皮用至五分。禁枳實厚朴。

二因傷氣而誤用消導。反損胃氣。至絕穀。禁枳壳大黃。

蓬稜麴朴。

三因身熱而誤用寒涼。必致損胃增熱。禁苓連梔栝升紫。

四因日內未曾服生化湯。勿用參芪朮。以致塊痛不消。

五母用地黃以滯惡露。

六母獨用枳殼牛膝枳實以消塊。

七便秘母用大黃芒硝。

八母用蘓木稜蓬以行塊。芍藥能伐氣。不可用。

九母獨用山查湯以攻塊。定痛而反損新血。